


冰雪堂詩



歸真道人者閩中之才士也賦命不辰
遇天獨苦既傷情於鬻鏡復萎謝其
苞蘭此誠離恨有天埋愁無地悼真之
鄴所自来也然名命之竟可哀矣道人
初聰敏未及笄已善詩文詞賦蓋擢而
不冠者也故不學書生業鍼黹而外日
惟詩詞自娛嗟乎詩也者心之報也其心
出則詩和而平其心戚則詩哀且促道人
於于悼後事多拂逆其為詩或如春
花著雨於嬌艷中微帶憔悴之意或如
秋雲出岫於自然內澗多飄泊之悲皆
緣情以境生非道人好為宅態也道人惟

日以詩詞自娛深得三百篇遺旨是以
其待不假鏤刻不事苛求惟自發其性
灵寫其胸臆而已今觀其冰雪堂詩集華
而不靡波而彌旨非得夙人餘意烏足以與
世所以以冰雪名老者六自寓其清潔為
懷焉身余晚年好靜茲閱是集於余心有
怛怛焉因不計筆墨踈慵聊綴數言於
簡首蓋猶存昔日憐才好士之忱者六
道人所鑒錄也呈為序

昔庚子孟夏上澣煦齋英和序

讀歸真道人詩題贈

李廷均

語語珠璣字字金。耐人尋繹耐人吟。九臯鶴唳秋風迴。誰識冰壺一片心。

分明月裏下嬋娟。唾吐清新出性天。莫道閨門無俊傑。才華未肯讓前賢。

緣何別號取歸真。俊眼深窺世入神。最恨蒼天多忌物。偏教薄命付伊人。

十年晏處在京華。流水高山歎伯牙。一發清歌應避俗。愛才端的讀書家。

米雪堂詩

題贈

又

廣平張旭

髻齡早解佩詩囊。頌菊吟椒好自芳。聞說奉身歸內翰。五車書是嫁時粧。

釣圖題筆氣淋漓。都下爭傳幼婦辭。欲倩丹青成二妙。詩中有畫畫中詩。

妾家夫婿鳳凰池。珥筆歸來懶畫眉。閒向小牕聯好句。不妨兼友更兼師。

斷腸凶問自鄜州。綺語全焚稿不留。無那消閒仍嘯咏。林梅謝絮白人頭。

天荒地老恨迢遙。枉向靈均賦大招。我讀新詩剛夜半。空庭落木雨潇潇。

栢舟矢志載風人。苦節何妨麗句新。太史輶軒應博采。佇看彤管表松筠。

又

片雲劉澗芳

山中有獨鶴。超然凌青雲。伊羽潔如玉。其氣清若芬。朝飲澄潭水。暮踏蒼苔紋。旣除炎涼慮。而無塵俗氛。靈悟覺幻境。孤高殊衆羣。九臯一聲唳。清韻動吾聞。吾聞深仰企。幽懷多悅欣。聞音不能晤。惆悵徒慕君。水雪堂詩

題贈

二

又

宋紹會

雅懷栗烈世應殊。粒蟻絲穿曲曲珠。霜雪澡心通九有。風雷觸耳凜三無。佛堯境淨天雞唱。人柳夢酣塞鴈呼。試問徽音誰可擬。虛堂掩暎挂冰壺。

又

趙似祖

苦節三十載。身心空復空。詩無兒女態。人有丈夫風。

命薄月相照才多天所窮一編吟未了嚴雪透簾櫳

又

蔣氏女

冰雪聰明淨開編絕叫囂文章良有託花樣不徒描
性分緣情潔天資特地超愧余非道韞下里仰高標

又

新安羅寶綬

芟盡人間月露詞拚將冰雪鬥寒姿愁懷易洒湘娥
淚別調都彈寡女絲一卷詩魂梅是伴半生心事菊
應知合當寫向蓮龕去乞與慈雲好護持

又

門人宗室安惠

冰雪堂詩

題贈

三

最羨吾夫子閨中萬古雄波瀾誓不起野句孟東 冰雪

潔相同咏絮才名久簪花格學工詩書閒料理欣課

小兒童

咏月贈歸真道人

榮金鼎

皎潔一輪月清光透骨寒冰霜如歷盡圓處是金丹

歸真道人者。吾母之師也。道人居與外祖母相隣。邇余幼失恃。鞠于外祖母。故得登堂而受學焉。道人姓陳氏。內府正黃旗號芸窗先生之女也。幼穎悟。三歲時其父觀書。戲于其側。指書上門字曰。門也。父異之。曰。此女將來必識字。旣長。好學無倦。家貧無臧。獲母復多病。躬操井臼。辛苦脩嘗。而暇時輒爲詩。每呈其父。政之芸窗先生。愀然曰。無爲此薄命事。弗聽。年二十五。適鑲藍旗滿洲內閣中書赫舍里氏。諱巴尼渾。號靜菴者。生女一。子一。甫五年。靜菴之兄爲鄜州都

水雪堂詩

司卒。適母太夫人亦在任。所靜菴乞假往鄜。接母及兄之靈歸。至中途得疾。没于平定州客邸。道人聞訃。卽欲身殉。衆以姑老子幼。勸之。乃止。逾年春。瘟疫大作。子女俱歿。姑歸女氏。而孑然一身。無所依倚。兼以素負才名。妒之者更不乏人。乃要父母兄弟同居。無何。父母及弟俱亡。惟依兄嫂。日以課諸姪爲事。隣家稚子間有因其母求訓者。亦諄諄授之。同時有靜怡主人。與冷齋夫人者。聞而訪之。深相契好。每有餽贈。則堅辭不受。曰。我無以報之也。蓋其真之見于人者。

如此嗚呼嘗聞之勞其筋骨苦其心志者天爲之德
修謗興道高毀來者人爲之若以閨閣之質而具瑰
奇之才而又若有故爲遏抑其才而使之不得一展
且不第使其才之不展並使其身之所遭直至于疾
痛顛連而無告如歸真道人之極者果天爲之耶抑
人爲之耶如天爲之天何必于生之如人爲之人何
必于死之天耶人耶吾誠不得而知也所著有冰雪
堂詩一卷詩中多咏其所歷之實境也

肯庚子十月中澣女弟子毓華序

冰雪堂詩

長白鍾靈秀。閨中不世才。水霜欽節。瓊珠玉出心裁。
好句窗前摘。名花雨後栽。一編涼夜讀。落月挂庭梅。
柳絮才名久。松筠操凜然。節芳千載敬。詩好萬人傳。
秋菊酬吟咏。寒梅露性天。瓣香心祝在。乞供小蓮龕。
俚句二律敬題

大集兼請

誨正

子明長啟初草

水雪堂詩

歸真道人著

夏日卽事

長夏悠然晝正清，
盈階花影綠縱橫。
小廳日暝披軒坐，
閒聽爭枝鳥亂鳴。

咏螢

一番新雨後，
點點耀流螢。
帶露依微草，
隨風過小庭。
飛時初類火，
落處每疑星。
莫道緣虛幻，
應涵造化靈。

秋夜聞雁

小令望江南

水雪堂詩

深夜靜歸雁，
唳秋空。
幾點橫侵銀漢裏，
一聲清徹碧雲中。
斜月畫樓東。

書齋晚步

雲影朦朧樹影低，
月痕斜挂小堂西。
悠然偶步閒階下，
驚起寒枝宿鳥栖。

上元夜家君晏會諸友承命恭賦

得台字

良宵喜見綺筵開，
盛世昇平實樂哉。
玉漏任催遊騎去，
金吾不禁踏歌來。
銀蟾影瀉浮花市，
寶炬光搖映酒杯。
此夜高堂嘉會處，
德星應又聚三台。



五哀書懷
引劍長歌悵未休
臨風每自歎虛浮
題橋有志終難

繼投筆無緣豈易酬
履世不能行大道
居身惟是重
溫柔嗟余坐井觀
天耳安得乘槎泛斗牛

夏夜

畫永鬧蜂衙
焚香自煮茶
日烘榴火重
風裊篆烟斜
靜院聞啼鳥
空庭見落花
悠悠長夏裏
吟咏亦生涯

夏夜

銀漢昭回沆瀣深
月移庭樹影森森
消炎不惜終宵
坐滴盡蓮花漏已沉

水雪堂詩

慰親

哲士時違且自寬
肯將珠玉永沉淵
凌雲豈是宗司
馬素位還應法聖賢
富貴從他寧企望
詩書任我亦
隨緣壯懷牢落雖如許
君子由來只聽天

咏登高

莫將幽賞負年華
此日登臨興自賒
到眼青山橫翠
黛盈溪綠水帶晴沙
詩成滕閣追王勃
帽落龍山憶
孟嘉好是夕陽憑眺處
白雲低掠雁行斜

又

人間今日是重陽。處處登高弄酒觴。雲際乍橫新雁影。籬邊又放舊花光。秋侵遠岸蒹葭老。霜染平林木葉黃。堪笑敖遊無我分。徒將筆墨逐時忙。

依韻題長河秋釣

禁秋字

漁艇縱橫西復東。生涯盡在水雲中。忘機伴侶惟鷗鷺。誰似烟波一釣翁。

蘆花蕩裏水溶溶。搖曳扁舟浪影重。罷釣歸來天已暮。晚烟山寺一聲鐘。

冰雪堂詩

三

浴鳥睡鴨任雙雙。閒向西風駕小艤。釣得新鱗堪侑酒。笑他張翰憶松江。蒼蒼葭影映寒漪。處處懸罾泊水涯。日夕牧童驅犢返。一聲短笛過烟陂。

日泛烟波傍釣磯。胸懷應與世情稀。晚來沽飲携魚去。明月村頭認酒旗。

短棹輕舟任所如。水雲深處是吾廬。憑誰更話封侯事。蝸角繩頭意已除。

訪友停舟且挂罾。相逢多在酒家閒。中樂事君知

否山水烟霞總畫圖

漱灩波光綠漲隄輕帆影過小橋西柳塘深處無人到隔岸時聞宿鳥啼

網得金鱗可換柴山妻稚子日相諧憑船閒望江天暮漁火家家遍水涯

孤帆江上浦雲開欸乃輕舟去復回兩岸波光涵落照長鯨吹得晚潮來

丹楓如錦點江濱山擁晴嵐黛色新數縷飛煙疑曉日茅簷漁舍盡炊薪

冰雪堂詩

四

待釣臨風日欲曛汀洲向暮起烟雲歸來一路溪山下漁唱樵歌到處聞

暮靄寒烟沒遠村孤舟泊處掩柴門黃昏飯罷饒餘興更把霜螯對酒尊

長天一色水漫漫蘆葦蕭蕭落木殘釣浦漁舟歸去晚滿空明月照江寒

臨溪終日聽潺湲烟浦沙汀任往還雲水鄉中多樂事此身長共白鷗閒

碧水澄空影接天蓼花灘裏纜漁船雙鱗換得不原

酒一曲長歌醉扣舷
輕舟渺渺水迢迢
破浪冲烟過野橋
蕩入蘆花無百處
孤雲一點碧山遙
水淨沙明月半梢
白蘋風冷線難拋
扁舟一葉隨流放
野調歌來不用敲
重陽何處可登高
雲黯長空雨意豪
欲訪龍山踪跡去
蘆花虛纜一漁舸
權倚西風泛綠波
夕陽深處碧雲多
垂綸盡日憑船坐
乘興高吟水調歌

冰雪堂詩

五

塵世浮名莫浪誇
自將漁酒作生涯
有誰能繪烟波景
孤鶩高飛入晚霞

坐擁烟霞釣晚涼
月明汀樹正蒼蒼
星辰落落長空靜
露濕蒹葭水一方

潦盡寒潭碧浪清
西風時送櫂歌聲
此生只共巖灘隱
不向人間著姓名

烟蓑雨笠傲江汀
醉臥船頭酒未醒
夢破晚鐘歸路暝
微雲一抹暮山青

蘆花擗雪浪層層
昨夜潮平水自勝
爲愛清明天氣

待
十
魚
五
十
日
初

澗
落
澗
飄

好一川晴日曬魚鱗。

一片輕帆一葉舟。萍踪浪跡任沉浮。晚來歸去櫓聲急。白鳥驚飛紅蓼洲。

江城處處亂鳴砧。野渡歸舟下夕陰。飛鳥帶烟投遠樹。一彎寒月碧雲深。

釣浦生涯只自諳。任他塵世日爭貪。天空海濶鳶魚樂。水滿寒溪月滿潭。

由來大隱載魚鹽。哲士全身道合潛。放浪江湖存用捨。肯教華屋易茅簷。

冰雪堂詩

一生踪跡隱山岩。蓑笠扁舟遠世凡。歲月只從閒處領。年年烟水挂輕帆。

秋夜

葉擁空堦靜掩扉。碧天秋勁暗霜飛。半規涼月窺簾薄。一點寒燈入夜微。沙浦客愁方北向。玉關羈雁又南歸。滿城風雨重陽過。深巷何人尚擣衣。

庚戌臘日祝嚴君壽

晏啟嘉平曉日新。百年長此慶靈椿。已將清白垂家訓。更以詩書遺後人。傲骨自饒松柏健。丹顏應駐露

桃春承歡共盡尊前樂笑引南山祝壽辰

對雪口占

朝來大地新萬里全鋪素飛鳥破寒雲瓊花迷遠樹
空傳比絮才誰訪尋梅句猶憶借書人長吟歸去暮

除夕

爆竹千門動人間歲又終浮生仍碌碌世事任匆匆
臘盡殘燈裏春回曉角中物華看漸好消息轉東風

依韻題岫雲寺

得齊字

蓬萊宮在鳳城西路入烟霞古木齊野犬吠殘山月

冰雪堂詩

七

小齋鐘敲徹嶺雲低梵音岑寂僧初定松影扶疎鶴
欲棲優鉢曇花飛不盡幾曾遊客有詩題

春晴

好雨初晴後園林景物嘉淡烟輕著柳遲日半留花
氣暖鶯聲早風微蝶翅斜皇州春色徧珍重惜

芳華

七夕

玉露金風又及秋踈星點點月光幽會聞閨閣穿針
線未見河橋會女牛青鳥空傳王母降僊槎難渡漢

卿遊不知今夕爲何夕。一度相逢一度愁。

雨過觀水

積水滿中庭。轟轟波紋起。咫尺泛虛舟。恍入江湖裏。

題籠中鳥

一入樊籠裏。雲山望不歸。主人如肯釋。應向海天飛。

和野望

極目江天迥。亭亭落日懸。片雲歸遠岫。獨鳥沒晴川。
野水分還合。荒烟斷復連。徘徊歸路晚。高樹咽寒蟬。

題畫次韻

水雪堂詩

峯巒嵒巖水雲垂。畧符山蹊處處通。一抹輕烟橫古木。誰家茅屋碧溪東。

遷居有感

十年回首事何如。欲別徜徉思有餘。素壁曾經題好句。幽齋無復得藏書。閒堦寂寂蒼苔冷。小徑離離碧草疎。此後最憐花外月。來依舊到庭除。
夜

種松

異本仙根自有神。移從霜坂正逢春。幽軒午夜長驚雨。小徑清陰不惹塵。栖鶴幾時成秀幹。化龍何日老

大華九橋

好畫好詩

蒼鱗殷勤手植非無意。爲聽濤聲入耳頻。

奉和嚴君九日遊宦臺次壁間韻

木落霜飛塞雁來。秋光召我一登臺。山涵霽色供吟興。菊艷寒香泛酒杯。野水平時雙鷺立。夕陽明處片雲開。不堪回首思陳迹。多少興亡付草萊。

題雪中尋梅

獨訪溪梅興自饒。漫天飛絮任飄飄。灞陵風味無人識。驢背敲詩過野橋。

題壁

水雲堂詩

九

小室居幽地。置塵半點無。花光當戶靜。月色到窗徐。茗椀詩情澗。琴書雅興娛。清閒兼澹泊。長此樂唐虞。

書牕十咏

掃地

冉冉花香淡淡風。小牕初日上簾櫳。微塵淨盡渾清絕。誰道無心事室中。

焚香

拂檻春風午夢慵。一聲啼鳥晝溶溶。垂簾兀坐燒沉香。金博山頭篆靄重。

好景

後有補月

煮茗

龍團佳品自無雙。甘露浮香瀉玉缸。爲潤詩喉烹活火。輕煙澹蕩裊晴牕。

洗硯

閒來乘興試臨池。水墨應教魚藻緇。更憶山陰王逸少。書成不是換鵝時。

濡墨

研盡元霜烏玉輝。霏微香氣散書幃。瑤池一蘸濃雲起。灑落珠璣紙上飛。

冰雪堂詩

拭筆

淡洒烟雲任所書。揮毫落紙興何如。當年謾入江生夢。此日偏宜伴草廬。

挑燈

玉蕊銀釭入夜孤。熒熒初暈小書廚。離騷讀罷更殘後。一縷寒光淡有無。

觀畫

一片微茫望欲迷。毫端變化莫端倪。是誰巧繪天機妙。合倩詩人着品題。

不佳

吟詩

卽時風景動襟懷。乘興高吟向小齋。清韵冷冷隨咳唾。陽春白雪調堪諧。

讀書

幽齋瀟洒絕塵埃。黃卷青燈果樂哉。誰識此中真意味。披函時見古人來。

悼范叔母

瞬息人生歎逝川。綠牕難覓舊因緣。塵封鏡匣空留月。魂沒泉臺已化烟。彩筆拋殘餘翰墨。素琴零落冷

冰雪堂詩

冰絃瑤池一去蓬山遠。青鳥茫茫信不傳。

月夜泛舟依韵

良宵乘興泛蘭舟。月色波光上下浮。杳杳鐘聲來遠寺。依依帆影渡中流。歌成白雪鷗應舞。賦罷黃州鶴也愁。夜靜水寒烟霧暝。一聲漁笛起江樓。

依韵咏雪

玉屑紛紛勢若何。瓊花處處潤林柯。已隨細雨勞周咏。更逐春風入郢歌。梁苑有才文易就。灞橋無渡客難過。蜉蝣莫起麻衣歎。疑剪山陰逸少鷲。

此首月仙不與之

七夕

乞巧穿鍼夕。庭前瓜果陳。晒書郝子富。標犢阮郎貧。
玉宇蟾光靜。銀河練影新。何如綏嶺客。揮手謝時人。
賀隆五叔得長孫

掌握俄驚照乘珠。門庭今日喜懸弧。定知膝下含飴
樂。鳩杖他年賴爾扶。

桂蕊蘭芽自有香。玲瓏應接謝庭芳。顧余學識非林
甫。聊與殷勤寫弄璋。

中秋夜風雨聞雁

水雪堂詩

十三

瀟瀟風雨度中秋。浙瀝涼生萬井愁。丹桂有香難泛
酒。騷人無興罷登樓。蛩音斷續吟寒砌。雁陣參差過
帝州。今夜蟾光何處覓。月明應在柱峰頭。

賦得鶴立鷄羣

得棲字

翺翔無力自潛棲。氣骨昂藏肯與齊。萬里遐飛應侶
鳳。一時俛啄且同雞。晴臯聲聞歸心切。瑤島烟雲望
眼迷。惟待高秋霜翮就。乘風猶恨海天低。

賦得秋月照寒水

得心字

皓月懸冰鏡。清光滿碧潯。影搖波滉漾。風動浪浮沉。

的樂蘋洲白蒼茫蘆岸深連天疑練素映水若鎔金
雁宿方依渚烏驚正繞林寒流鳴萬壑秋色渺千尋
欲識湘靈怨應知楚客吟惜無舟楫濟空有泛槎心

又

潦盡寒潭靜天高素月臨影涵銀漢迴光浸碧波深
皎潔懸金鑑清冷響玉琴雲收秋耿耿烟斂夜沉沉
蟾闕輝初散龍堂冷不禁鵲飛棲未穩魚泳嚼難尋
流止憑誰鑿盈虧自古今空明澄萬象仰見聖人心

哭嫂

水雪堂詩

三

相依未久竟離羣路隔泉臺哭不聞墨跡尙存香玉
案唾痕猶濕鬱金香瓊枝琪樹埋荒塚冷雨淒風卧
夕曛欲賦招魂何處是松楸滿目鎖烟雲

賦得一夜無聲覆草堂

一夜無聲覆草堂朝來處處積銀光灞橋詩客添風
味應訪寒梅到野塘

散花天女暗飛香一夜無聲覆草堂積素滿庭渾不
掃好留清影曠孫康

歲暮窮陰飛六出彤雲冪冪寒風促一夜無聲覆草

堂起看大地堆瓊玉。

入曲曾傳郢客章。撒鹽還憶謝庭芳。化工欲助詩人興。一夜無聲覆草堂。

元日

元正開首祚。太簇啟芳辰。律轉春生木。星回斗建寅。椒盤呈五味。柏酒薦三巡。淑氣迎釵燕。輕風拂綵人。漸看花事近。旋覺水波皺。宇內陽和徧。欽維造物仁。

水僊

疑是湘妃步水濱。凌波羅襪不生塵。羞將玉佩騎仙。

冰雪堂詩

十四

子笑倚黃冠。傲道人姑射。影寒水蕊淡。瑤池香冷露痕新。最憐丰韻應難繪。欲倩陳王賦洛神。

元夜

月華分彩雪。初晴春藹良。宵氣象清。詞客固多鸚鵡賦。游人應滿鳳凰城。笙歌院落魚龍舞。絃管樓臺蠟炬明。顧我無聞亦無見。聊將筆墨述昇平。

又

蜀真

蛾兒雪柳不勝春。寶馬香車惹暗塵。銀燭影中明月下。相逢俱是踏燈人。

扇

紈素裁成月魄新。一團皎雪最宜人。用從赤帝初臨日。棄自金天始御辰。長信宮中無限恨。九華賦底有餘春。攜來偶向風前坐。拂盡元規汚面塵。

松

亭亭百尺古虬龍。鱗甲蒼蒼倚碧峰。節勁自持君子操。品高寧受大夫封。夜深風雨濤聲冷。日午龍蛇蓋影重。不是尼山遺語在。歲寒誰識後彫容。

竹

冰雪堂詩

十五

疎影離離拂短牆。數竿幽玉響蒼蒼。青搖曲徑龍孫舞。翠點書軒鳳尾長。自有虛心能應物。豈無直節可凌霜。最宜移榻清陰下。一枕新添午夢涼。

梅

洗盡鉛華迥出塵。冰肌玉骨立江濱。香飄南國含烟冷。艷馥前村帶雪新。瘦影橫牕明月夜。清姿臨水澹霜晨。盈盈隴首傳春信。誰折幽芳寄故人。

夏日

寂寂花陰鎖綠苔。日長小院靜無埃。蟬聲噪罷斜陽

暮天外雲峰駕雨來

漆扇

扇從北極來。疑是一團墨。應嫌越素輕。不假齊纨色。滿座引清風。頓使炎薰息。舉以障日光。片雲頭上黑。

秋暮

寥落三秋暮。蕭條九月終。晚花猶賴日。病葉不禁風。水映霞光紫。山銜返照紅。征鴻南去盡。何處有丹楓。

贈隱士

浮世無高士。先生迥異人。胸懷齊華岳。道義出風塵。冰雪堂詩

六

避俗陶元亮。依山鄭子真。窮居堪樂志。甘隱任沉淪。

祝壽

瑞藹庭闈喜氣盈。中天寶婺一星明。瑤池日照開瓊晏。閩苑春深奏玉笙。海上蟠桃方結實。堂前叢桂正敷榮。九如爲頌無疆壽。綠醕浮香進兕觥。

送春

榆錢如雨積莓苔。欲餞東皇倩酒杯。春色易隨流水去。鶯聲難喚落花來。紛紛柳絮綿初脫。鬱鬱槐陰蓋已栽。多少留華留不住。新詩吟罷一徘徊。

曉

鵲影初翻樹。雞聲啾啾啼。沉沉銀漏斷。隱隱玉繩低。
柳色朝烟鎖。花光宿霧迷。漸看紅起處。旭日上天梯。
奉和嚴君新秋日遊密臺重依壁韵

西山爽氣引秋來。乘興重登郭外臺。嵐影遠分青疊
嶂。天光遙映紫霞杯。烟橫野水襟懷淡。鳥没平蕪眼
界開。獨有瀛洲尋不得。碧雲飛處望蓬萊。

奉和嚴君九日遊陶然亭

點絳脣

宿雨初收南皇灑。酒秋光透。重陽時候。滿目蒹葭茂。
水雪堂詩

十七

白鳥閒飛西嶺晴。嵐秀斜陽後。新詩吟就。頓覺雲山
瘦。

盧溝曉月

蘆花夾岸露淒淒。遮莫荒雞處處啼。曉角乍吹山堞
內。殘蟾已挂嶺雲西。天垂迴野星光淡。雁没平沙樹
影迷。最是魂消名利客。蕭蕭班馬正長嘶。

荅人

時人莫笑耽書癖。誰識其中蘊奧多。盡日經營無別
事。好將心鏡自懸磨。

代人賀新婚卽席口占

之子于歸喜氣氛。宜家宜室更宜人。河洲自咏關雎樂。瓜瓞應符百歲春。

秋日雨後遊昆明湖

緣堤緩步興何如。野草離離柳半疎。湖上清風微雨後。樓中斜日晚晴初。雲容水態應難畫。山色嵐光未易書。不盡留連瞻望處。頓令俗念迴消除。

賀及第

丹桂飄香得意秋。鵬程應喜到瀛洲。三層浪裏騰神水。雪堂詩

鯉。五色雲中拜冕旒。經濟豈宜今輩有。文章當自古人求。從茲海內推時望。佇聽綸音出鳳樓。

題達摩渡江圖

聞師此日渡長江。萬疊波濤一葦杭。欲度世人俱未醒。故持隻履上西方。

望新月有思

悵望親顏久不歸。夢魂猶繞舊書幃。小軒風月應無恙。愁見寒鴉薄暮飛。

病雞

余畜一雞甚馴。于歸後。挈來餉之。別院忽病。雞一日病。見余則蹒跚而前。依于身側。感賦。

絕一
憶昔當時撫愛深。於今無復羽毛新。可憐瘦骨峻嶒甚。猶自依依戀主人。

太夫人隨兄公任鄜州附書寄呈

晨昏何處慰忘憂。秦樹燕雲兩地愁。爲問高堂康健否。殷勤雙鯉下鄜州。

夏夜雨後

雨洗天光淨。開軒愛晚涼。月侵燈影淡。風引漏聲長。砌草凝清露。庭花送暗香。坐吟知力倦。閒遶小方塘。

冰雪堂詩

九

己未暮秋。訃書至京。知兄公亡于任所。太夫人手書喚靜菴夫子。接取靈柩回京時。山川險阻。邊地嚴寒。憂之。

一鞭行色去匆匆。翹首燕秦望未窮。聞道山川多冷僻。夢魂常在客途中。

邊風朔雪每懷憂。欲解愁腸總未休。客路三千無恙否。計程今已到鄜州。

庚申二月悼亡

己未十二月。外子自鄜奉太夫人。扶兄柩還京途中。得疾。至庚申正月二十六日。于平定州客邸告變。前一夜。余夢上天吟詩曰。九程歸路天風冷。回首人間。

雲容隔玉京覺而不得其解後乃知平定州去京師九站也豈真有數存乎其間也抑幽明間別有故耶傷哉

百首相期本謂常。豈知今日忽云亡。清風明月空遺恨。韞玉藏珠枉斷腸。三島浪傳延命草。十洲難覓返魂香。與君五載渾如夢。回憶音容竟渺茫。醉罷芳醪淚滿衣。魂兮有覺可來歸。悠悠生死千年別。落落襟懷萬事違。世若蜀途成獨立。身如萍梗竟何依。君今安穩眠長夜。一任人間是與非。

感秋

冰雪堂詩

三

浮世何須歎不齊。萍踪難定任東西。自從人事成蒼狗。便覺心情似木雞。尙有餘生緣俗累。更無閒咏到詩題。此身足識如斯耳。惟把莊騷日日攜。

又

惆悵人生似夢中。半生心志竟成空。事緣險處方知拙。詩到窮時却未工。秋至但驚銷夢雨。春歸休怨落花風。賤天有恨憑誰寄。擬託巫咸訴鄙衷。

又

雲容黯淡動秋光。時序驚人只自傷。對月幾回思往

事見霜不必製衣裳。已知心意如灰死。惟恨年華似水長。耐得浮生殘夢醒。夜臺滋味共君嘗。

又

書空無語罷長吟。每恨斯形役此心。閱俗難酬三尺劍。寄懷虛撫一張琴。人情自古應如是。吾道於今半陸沉。若使窮途悲阮籍。滄溟爭及淚痕深。

辛酉傷小兒女

零丁兒女屬孩提。歷盡辛勤日夜疲。誰料春歸花自落。鏡花水月杳難期。

冰雪堂詩

秋日卽事

三

一篆爐烟午夢長。覺來獨立晚風涼。秋光助我無邊思。疎柳寒蟬咽夕陽。

秋宵聽雨

空堦疎雨滴黃昏。風送新寒早閉門。獨坐最憐清夜永。一燈孤影照詩魂。

秋夜憶小兒女

麗譙鐘鼓夜悠悠。書卷孤燈總是愁。一枕且尋兒女夢。任他明月過西樓。

又

太上忘情苦未能憑他彼岸竟誰登。自知不及浮屠氏。何必牛車是上乘。

新月

惆悵天涯月又生。一彎新影印空明。問渠何日歸無極。免與人間照世情。

九日有感

又是題糕日。瀟瀟暮雨零。盡知陶令醉。誰辨屈原醒。天意何須問。人情不可聽。平生恩怨在。的的握青萍。

冰雪堂詩

書此詩卷後

五

陰陽難測不須論。死何如生豈認真。果是真中俱若此。寧爲才鬼不爲人。

悼犬

黃耳辭司夜。狺聲聽已稀。饑寒吾不免。凍餒汝先歸。槃盞慚無理。家書附莫違。冥中如遇主。爲報淚霑衣。

自遺

塵世於余本不諧。况從沮洳寄形骸。人間有藥難醫俗。造物無心只忌才。富貴功名誰可料。王侯螻蟻總

堪哀九原何日吟歸去。一枕安眠臥草萊。

除夕

爆竹聲中燭影寒。愁人此際思無端。兒時已厭爲人好。今日尤知處世難。憂懣縈懷詩自減。死生異路淚空彈。凄然暗感流年換。獨倚殘燈到夜闌。

冬夜不寐

夜深不寐枕猶欹。正是殘燈半滅時。月影迷離雲影淡。鐘聲寒澁漏聲遲。世情已向閒中覺。往事偏從靜裏思。荏苒年華三十度。近來心緒欲成絲。

冰雪堂詩

玉

集句

春天杳杳日遲遲。愁見游空百丈絲。坐久暗生惆悵事。海棠軒外去題詩。

悠悠生死別經年。萬事傷心在目前。三尺孤墳何處是。北邙松柏鎖愁煙。

清明

滿懷幽恨鎖乾坤。筆墨憑誰記淚痕。最是廣寧門外路。一回歸去一消魂。

春暮

寂寞書齋又暮春。風光觸目總傷神。斷腸最是庭前樹。今日花開不見人。

月夜

中庭獨步又三更。曲檻花陰午夜平。月色未能分別宿。劍光何處認豐城。蒼天寥廓無聲臭。人世參差有濁清。欲盡庸愚窮造物。須知造物不分明。

新春

大地陽和變春光。到小園暖風酥蝶夢。淑氣返花魂。柳漸搖新影。苔還復舊痕。萋萋芳草意。何處弔王孫。

冰雪堂詩

春景

浣沙溪

二

纔覺新春便仲春。日中星鳥又催人。新來燕子話酸辛。細雨暈紅花似錦。東風勻綠草如茵。柴扉鎮日閉幽沉。

春暮

爲憐春去獨徘徊。惆悵殘花委綠苔。一枕夢回斜照晚。捲簾曾誤燕歸來。

春草

用漁洋山人韻

晴翠新涵碧水痕。如茵點染到柴門。香疑細雨纔三

徑綠入斜陽。又幾村驛路。曉烟勞遠望。池塘舊夢情。
誰論茸茸南浦。行人去。消盡江淹送客魂。

暮春卽事

無事陳編手自携。柴扉晝鎖足幽棲。花鋪苔面春初
老。樹蔭檐牙綠已齊。小院深深雙燕語。午陰寂寂一
雞啼。聞中歲月何消遣。夢覺斜陽影又低。

放生去放去可離塵。總教放盡千籠鳥。莫若全無設

放生去放去可離塵。總教放盡千籠鳥。莫若全無設

網人。

水雪堂詩

秋衣

夢醒三更盡。微寒午夜生。半牕殘月影。幾處遠雞聲。
逝水那堪憶。年華徒自驚。凄然興百感。欹枕到天明。

題壁

畏漏時憂雨。防寒轉怕秋。于人真有累。與世却無求。
渺渺孤飛燕。飄飄獨泛鷗。恐傷敦厚旨。不敢寫深愁。

送人之任

九重宵旰日。屢勤求治孜孜素所聞。政化果皆平似
水。卽將堯舜致吾君。

秋曉

柳梢青

殘夢初回。曉鐘未斷。斜月猶明。短砌蟲吟。退天雁唳。
做盡秋聲。半生身世堪驚。都付與殘陽曉星。月不
常圓。花難久駐。今古同情。

賦得白駒空谷

得心字

謾有留賢意。難回出世心。人同秋水遠。駒共白雲深。
皎皎歸空谷。蕭蕭過隙陰。高山徒仰止。幽壑莫追尋。
縱負生芻誼。寧慳金玉音。來思終渺渺。遁跡竟駸駸。
三徑知何處。千峯日欲沉。

聖朝餘化治。抱道老

冰雪堂詩

美

山林。

自笑

平生無見亦無聞。但覺朝暉又夕曛。已罷輕塵依弱
草。且看流水送行雲。誰憐一木支難穩。自笑孤身立
不羣。欲破愁城無計在。謾云頗牧最能軍。

自遣

紛紛人事幾曾休。靜裏閒看麈尾愁。送盡死生天左
轉。消殘今古水東流。寄身已自輸棋局。處世何須嘆
贅疣。領取眼前風景好。碧雲明月不勝秋。

奇賦九日

獨坐臨階砌。蕭然對菊花。中懷多少思。寒日又西斜。

咏菊

黃花原是舊相知。隔別經年見最遲。骨格孤高名士品。丰神綽約美人姿。曉風殘月淒清境。冷雨寒霜雅淡詩。一卷離騷無俗韻。問卿何處不相宜。

又

秋光何處著精神。三徑蕭疎菊又新。千載王弘空送酒。一生陶令未憂貧。羣芳競艷雖無分。獨秀凌霜自有因。花裏最憐卿冷淡。黯然風味暗相親。

三五

冰雪堂詩

又

曾向柴桑伴隱居。獨將秋色傲東籬。孤標未許羣芳侶。冷艷應於老圃宜。三徑蕭疎霜落後。滿城風雨雁來時。詩人莫怪開何晚。此後名花更有誰。

瓶菊

晚節名花孰與儔。數枝斜插膽瓶幽。清香只共爐烟裊。雅態偏宜燭影留。帶露折來三徑冷。臨風吟去一窗秋。傳言青女休相妒。却伴詩人在案頭。

首尾吟 仿邵康節

蜀道何如世道難。乾坤終古爲誰安。詩書氣老文光冷。牛斗秋高劍影寒。月滿緱山空駕鶴。春深蓬海柱。驂鸞憑君莫問瞿塘路。蜀道何如世道難。

九月十五日夜雨

雨滴蕉聲緊。風寒夜氣深。茶煙初裊碧。燈影半成陰。冷落花三徑。消除月一林。滿城蕭颯意。抱膝自長吟。

初冬對雪

西風昨夜釀新寒。曉起開簾雪作團。佳景一庭雖可咏。却憂窮巷有袁安。

冰雪堂詩

天

一望紛紛玉滿林。圍爐擁卷正堪吟。最憐三徑凌寒菊。甬打霜摧雪又侵。

暮冬晚立

一襟疎豁遠涵空。爲愛殘霞立晚風。啞雀聲喧寒樹裏。歸鴉影亂夕陽中。正思書卷消長夜。不覺年華又告終。日月無涯吾有盡。餘生何復較窮通。

咏烟袋依韵

誰仿濂溪咏物工。亭亭外直恰中通。虛心只在雲霞

裏秀體常依掌握中。憤悶但憑伊作遣。消愁寧讓酒
爲功。午窗鎮靜鈎簾後。暗逐爐烟細裊風。

讀靜怡軒詩

讀罷新詩喜欲狂。不知何日見清揚。佳章醉我春三
月。雅意輸君紙半張。下里巴人無好韻。陽春白雪有
餘香。蒹葭倚玉如堪許。敢望雲輶降草堂。

書贈靜怡主人

邂逅逢知己。才華擬易安。照人心似鑑。慰我語如蘭。
一面嗟何晚。三生會不難。襟懷雖澹泊。詩句總波瀾。
冰雪堂詩

无

莫以閨中論。應須達者觀。幽棲會有志。相約隱山巒。

悼梅

悼素悲紅不可論。絲絲細雨正黃昏。牕前已罷橫斜
影。枝上空餘萼綠痕。紙帳春寒埋雪骨。玉階香冷葬
冰魂。消除第一番風信。惆悵無聊靜掩門。

和靜怡主人海棠原韵

西府佳人號海棠。誰燒高燭賞新粧。含嬌尙露十分
媚。防妒寧留一點香。麗日輕烟春晝永。澹雲微雨晚
風涼。少陵豈是無吟咏。爭奈神仙格韵長。

借書一律呈靜怡主人

精堂奧室未能模。徒望宮牆意覬覦。廣聚已知君富有。稀聞實愧我虛無。耽書難閱王克市。欲學誰編路氏蒲。如濟不才蒙慨允。一瓶中聖爲君沽。

題扇頭畫蝶

誰把滕王筆一枝。描來扇底費人思。仙衣縹緲依芳草。舞態翩翻點碧漪。入月只疑曾竊藥。臨風直欲認生姿。相看似有蘊蘊意。莫是莊周物化時。

寄靜怡主人

冰雪堂詩

三

別來悵悵幾經旬。未訪知音病是真。秋水懷人憂遠道。屋梁落月憶丰神。痴懷笑我還如舊。佳句知君近又新。賦得江楓幸垂教。願憑迴雁見陽春。

依韵送春

一年春又盡。何處問歸程。露沼荷錢小。風簷柳絮輕。花魂應有恨。蜀魄想無聲。已識榮枯理。何須感物情。錫侯隆公有耆英之會。屬余賦詩以記其事。

衣冠濟濟襲名香。又見耆英繼洛陽。三度盛傳千叟晏。遺風淳化自仁皇。

信知類聚與羣分。雅志高懷氣遏雲。太史凌晨應入
奏。德星今又應天文。是知寶鏡常輝。是知金盞
戴笠乘車事。莫期情懷不是少年時。共憐皓首同欣
慶。且盡生前酒一卮。

華筵高列敞雲屏。醉舞酣歌酒半醒。莫逆相看成一
笑。滿堂爭羨老人星。

拳旗斬將老干城。

內有武官數人
俱身經戰陣者

千古名高細柳營。

矍鑠未甘林下志。須知

聖主正論兵。

時有白蓮
教之役

杖履逍遙樂事殊。耆英會聚自相娛。欲憑顧陸丹青
水雪堂詩

手描取香山九老圖

寄靜怡主人

問訊聊憑一紙書。未知佳况近何如。實聞膝下文孫
語。虛信門前長者車。憶別音徽纔歲始。重違清範又
秋初。不才莫是幽人棄。尺素寧慳雙鯉魚。

新秋

年華真逝水。不覺又秋臨。溽暑消殘雨。奇雲斂夕岑。
感時憐物態。無寐聽蟲吟。覽鏡驚霜雪。知余愁思深。

中秋無月

誰遣飛雲點太清。不教今夜月華明。嫦娥似解幽人意。恐有愁懷對爾生。

春日有感

又看春風滿院花。種花人去只空嗟。花光不減當時艷。柳影依然曲徑遮。漑水漫添新活計。敲詩慵理舊生涯。年來莫謂愁無效。贏得蕭蕭鬢有華。

贈羽士

鍊得金丹道已成。却來人世濟羣生。壺中日月春常在。物外烟霞氣自清。緣淺未能窺秘錄。才疎何以贊

冰雪堂詩

高明欲隨杖履離塵網。鸞鶴何時仰玉京。

贈名醫

衣紹岐黃迥異常。又從今日見醫王。養生自餌壺中藥。濟世應傳肘後方。露氣夜深凝橘井。月華人靜照芝房。知君自有青囊術。不向丹溪羨紫陽。

中秋夜獨坐有懷靜怡主人

雲斂層霄萬里秋。星河不動夜悠悠。光浮湖海金波湧。影浸樓臺玉彩流。醉月正宜詩勸酒。飛觴應以桂爲籌。仰看銀漢清無極。安得乘槎共一遊。

謝廣平張曉園先生評余詩

春風直覺筆端生。下里深慚月旦評。珠玉幾行瞻大雅。春秋一字具褒榮。文章自是依官樣。詩句還期見正聲。若許洪鐘容大扣。敢煩餘論賴高明。

咏秋

大火西流序。雙星早渡河。清商歸少昊。短景促羲和。閨閣離愁遠。江湖客思多。寒蟬夕陽樹。微雨遠山螺。月入謝莊賦。風催張翰船。疎砧初擣練。團扇已收羅。鶴警深宵露。蟲吟曲徑莎。年華悲逝水。人事感蹉跎。

冰雪堂詩

長信班姬怨。橫汾漢武歌。角吹沙塞月。雁畫洞庭波。黯淡涵雲漢。蕭條減綠柯。騷人當此際。耿耿意如何。省太夫人回聞靜怡以新刊詩稿見遺兼惠盆

梅燈下口占

爲省高堂去。歸聞驛使來。已刊白雪句。兼寄歲寒梅。賞花憐冷艷。展卷羨僊才。小軒今夜月。何幸共徘徊。燈下賞梅用東坡原韻

盈盈仙袂來何村。分明一縷羅浮魂。古今紛紛競吟賞。爲彼瘦影橫黃昏。靜怡韵人憐寂寞。一枝春色分

頤園珊瑚傲骨似君子。望之也厲。卽之溫。燈下未能
辨顏色。明晨早起迎朝暉。此時人靜萬籟寂。惟有冷
月來窺門。起看雲漢復長嘯。景境佳妙難爲言。於酒
無分莫惆悵。獨醒對爾酬空尊。

丁卯正月二十六日夫子亡日傷之

屈指君亡八度春。可憐門隙鎖空塵。三間茅屋愁風
雨。半壁孤燈泣鬼神。未沒餘名惟我在。如爲故物更
何論。交游聞說多軒冕。誰是山陽感舊人。

春日雜咏

冰雪堂詩

書

蠶衣蠶食葆吾真。榮辱無關世外身。不必過求詩句
好。恐防天意又增貧。

書長無事總關門。睡起爐香火尙溫。目送歸鴻天際
去。一簾明月又黃昏。

溶溶月色浸春宵。一樹梨花破寂寥。花月滿庭人未
寢。更挑殘燭讀離騷。

耿耿遙天幾個星。曉風殘月立空庭。曙鴉聲散聞啼
鳥。自拆花枝嵌膽瓶。

桃杏初殘暖日遲。新紅又上海棠枝。種花分菊雖幽

事忙在清明穀雨時。

落花庭院雨如絲。一縷茶烟午夢遲。欲遣無聊消晝

永。臨牕閒較古人詩。

聲聲幽鳥弄圓吭。庭樹森森綠影涼。流水落花春又

老。靜看燕子舞斜陽。

浮生終屬夢中身。靜讀楞嚴悟慧因。一點機鋒渾不

著。只將冷眼看時人。

雨夜讀冷齋夫人詩

一點燈光小。三更刻漏遲。最宜今夜雨。細讀冷齋詩。

水雪堂詩

把卷憐才思。臨風想玉姿。相離雖咫尺。何事不相知。

冷齋夫人過訪依韵奉酬

詞客光臨降泌衡。春風時向座間生。無才敢賦高軒

過。有教應求月旦評。顧我風標非道韞。羨君文采類

雙成。相逢莫道浮萍遇。疑是三生舊有盟。

代人祝七十壽

任兵部侍郎

麗景融春晝。天開嶽降辰。南山方比壽。北海正延賓。

望重雲霄迴。恩承雨露新。廟謀心自畫。兵畧口能陳。

戎服趨丹陛。儒冠侍紫宸。鳳毛看濟濟。麟趾羨振振。

風雅傾時彥。襟懷憶古人。稀齡今已屆。指日報平津。
邀冷齋夫人

溽暑全消積雨頻。秋風爽氣又宜人。蟬鳴衰柳聲初咽。日射疎櫺影乍新。身世已隨碁局了。襟懷剩與睡鄉親。西廳一語君能否。可有閒心訪隱淪。

室中菊花

冷艷寒英繞屋排。花光燦燦潤書齋。只宜靜對明詩眼。不許橫枝上玉釵。

咏畫墨牡丹

冰雪堂詩

美

本是人間富貴花。如何雅淡洗繁華。一枝永在無凋謝。魏紫姚黃莫謾誇。

畫圖陡見冷精神。國色天香爾是真。識得良工心苦意。不將穠艷媚時人。

咏畫美人

小闌干

誰將俏筆寫娉婷。人在小蓬瀛。斜倚樓牕閒愁欲譜。玉笛手空擎。低頭默默緣何事。無語似含情。秋水波澄遠山翠。淺蟬鬢綠雲橫。

和黃氏女

醉春風

咫尺由來近。憐才尋道韞。匆匆一話未多時。恨恨恨。
林下風標。閨中秀氣。金相玉潤。擲地金聲振。詞華
推宿分。淺紅牋紙字。簪花。韵韵韵。何日談心。西窗剪
燭。靜聆清論。

清靜身心

題出白雲觀道詩

清虛應與太虛同。靜篤深參內外功。身在塵寰遊戲
裏。心存一氣孔神中。

清如一片玉壺水。靜似寒潭止水澄。身外萬緣都不
挂。心堅抱一證圓明。

冰雪堂詩

偶成

三

一氣先天何處存。此身原是一乾坤。自然妙用真機
在。煉得三元自立根。

由來性命在雙修。仙理還從儒理求。煉魄煉魂兼煉
已。坎金離汞是真籌。

紛紛議論徒饒舌。四大曾無半箇人。虛靜元微都悟
徹。形神方與太初隣。

雨

久雨何時止。連宵又及晨。蝸牛行有跡。野馬見無因。

避漏移書數。愁傾側耳頻。憂來心自苦。誰敢怨蒼旻。
又
雨聲兼晝夜。簷際起層湍。但覺皇天瀉。何曾后土乾。
水光連上下。雲氣鎖長安。莫恨天無眼。乾坤鑿度難。

葺茅屋

昔有佳人在空谷。尙餘侍婢與明珠。我今自笑居城
市。欲補茅簷蘿也無。

冷齋夫人過舍賞菊

東籬采采綻黃華。輸與柴桑處士家。今日共君清賞

冰雪堂詩

處耐寒人對耐寒花

除夕

獨坐悲人事。徒慚一歲增。送窮無好句。添恨有孤燈。
鬢已勝潘岳。詩難繼杜陵。半生惟惡夢。悵望幾時醒。

酬靜怡主人新春見寄

春風又是一年期。獨掩虛牕臥病時。遲日未消花逕
雪。故人先寄草堂詩。不知甲子因多懶。讀到庚申却
有思。佳句空臨清興少。拈毫勉和寫烏絲。

題踏雪尋梅圖

彩毫揮處見天機。顧陸精神近世稀。幾樹梅花依碧
澗。一肩琴酒冷青衣。圖中童子肩雲迷遠岫山光淡。
雪點溪橋石路微。最是何人驢背上。紉敲詩句踏寒
歸。

遊僊詩

瑤宮深鎖碧桃春。閒到蓬萊訪玉真。乘興偶然彈一
局。不知滄海幾成塵。

寶月呈輝浸碧空。夜深猶晏藥珠宮。歸來醉踏星河
影。元鶴西飛彩鳳東。

冰雪堂詩

完

上帝新將玉詔頒。蘭香誰令返仙班。從今再有思凡
女。貶在人間永不還。

長吉當年條見徵。錦囊才藻挾天庭。玉樓換記真佳
作。何幸來觀得啟扁。

雅集羣仙晏栢林。洞天春暖玉龍吟。酒闌笑就麻姑
問。近日蓬萊水淺深。

昨夜虛皇玉旨來。大開言路諭丹臺。凌晨上謁通明
殿。第一篇章諫忌才。

八景輿同拂彩霞。瑞烟深鎖玉清家。雲間犬吠何人

至却是飛瓊萼綠華。

千歲桃花爛熳開。却同王母看花回。守園仙吏宜深
囑。桃熟須防曼倩來。

蟠桃慶壽集仙官。羽衛森森舞鳳鸞。晏罷瑤池歸路

晚。白榆歷歷海風寒。

錦轡金鞭駕玉虬。冷泠雲漢御風遊。忽然下視塵寰

裏。幻海茫茫嘆不休。

星斗闌干碧落寬。仙經懶讀馭烟鸞。侍兒笑問遊何

處。欲訪姮娥入廣寒。

冰雪堂詩

早

崑崙山上望增城。十二樓中月正明。一曲雲和天外

響。吹笙應是董雙成。

碧霞宮裏訪元君。錦幟星冠翠羽裙。坐話不知滄海

暮。獨乘彩鳳下斜曛。

瓊樓絳闕瑞烟光。壺裏乾坤日月長。高駕雲螭天路

穩。十洲去采反生香。

祥雲縹緲鎖蓬萊。弱水三千獨遡洄。人世空傳黃竹

賦。穆王當日可曾來。

絳河清澈月華新。獨坐焚香閉榻晨。明日鸞驂下南

嶽多時不見魏夫人。

落霞影裏步雲衢。遙見星娥隔水呼。欲博天顏時一

笑。却教玉女去投壺。

丹桂花開月殿秋。數枝新自廣寒求。青童汲取天河

水。滿注靈瓶置案頭。

海澗天空馭鶴飛。仙風飄颺五銖衣。袖中携得如瓜

棗。纔自安期島上歸。

蓬島瑤池白玉京。金童玉女日趨迎。三山五嶽遊教

遍。却輾颺輪入太清。

冰雪堂詩

讀冷齋夫人遊西山諸寺詩

聖

緣雲直上碧參差。望裏風光別樣奇。幾縷晚煙摩詰

畫。數峯晴翠少陵詩。丹楓似錦經霜後。黃菊如金過

雁時。蘭若歸來松月冷。磬聲禪韻允相宜。

補茅屋

小葺茅簷後。天教徹骨貧。羨存雖見糝。衣結却懸鶉。

耻落傷心淚。終爲強項身。冷齋勸余念佛以自懺故有此句詩篇重

檢點。何處文驚人。

補衣有感

破襖多情却戀身。何期偏爾伴歸真。不辭補綴千條線。已歷巖寒二九春。露肘曾憐原憲病。懸鶉爭遜卜商貧。緼袍狐貉雖無愧。恐使羅紈暗笑人。

靜怡主人遷居書贈

移徙承天錫。居幽賴地靈。牕虛閒北牖。壁素仰西銘。讓宅人堪羨。身貧道愈馨。德門知必大。蘭桂在階庭。讀杜工部集有感。

氣壓全唐一代詩。固應貧困至於斯。膏粱莫笑窮途語。不到窮途自不知。

冰雪堂詩

望

不依韻咏美人風箏

遠遊文履踏空青。疑是飛瓊降杳冥。莫向人間歌窈窕。細從天上認娉婷。碧綃衣曳霞光亂。綠綺聲驚雁陣零。幸有柔絲牽束素。得瞻丰韵仰中庭。

題扇頭煙嵐秋雨圖

幾點遙峯雨。濯青煙光嵐影。不分明。傳神恰是王摩詰。畫裏藏詩獨擅名。

雲樹微茫意作殊。天機到處筆難摹。怪來滿座增涼爽。手握烟嵐秋雨圖。

題畫

畫圖工點綴雅致自高森隱約茅簷小參差石徑深
山光低遠翠水色靜溪陰有客穿雲去烟嵐拂滿襟

賦得秋菊

得明字

少昊乘時令秋花正向榮幾枝光燦爛三徑影斜橫
味汎陶潛酒英餐楚客情芳姿矜晚節老圃挺孤莖
冷淡騷人侶高標隱士名香凝朝露重色映夕陽明
雅致憐伊瘦詩懷對爾清素娥與青女應結歲寒盟

對菊吟

時余抱疾而花又多
憔悴者故感而題

水雪堂詩

三

愛卿爭肯讓陶家三徑秋風瘦影斜籬菊也知緣欲
盡今年不似往年花

遊仙有分欲離塵又見黃花照眼新今歲與卿成永
訣明年開處屬何人

前依元亮後歸真更有何人繼後塵花若有知應戀
我一杯和淚醉花神

有感

魑魅何爭一寸光十年回首歎滄桑人情冷暖從頭
見世味酸鹹徹底嘗如騃如癡真乃爾呼牛呼馬又

何妨愁來尙覺乾坤隘莫笑窮途阮籍狂

和冷齋夫人對雪有感

一片寒光映碧紗豐年預兆景尤嘉霏霏曲檻飄珠
粉點點遙空沒早鴉梅萼尙餘香黯淡竹枝難認翠
交加閒中好取南華讀處順安時莫嘆嗟

和靜怡主人春日見寄原韵三首

空對春風滿院花久因指病廢龍蛇錦箋忽報新題
句却羨清才屬謝家

草綠池塘百卉菲春寒鎮日掩書幃一庭香雪梨花

冰雪堂詩

冷簾幙東風燕子歸

一身無事笑空忙永日如年未覺長吟咏近來儂自

懶何人爲覓却愁方

題畫扇

扇中畫紅樓夢中黛玉湘雲于凹晶館
聯句妙玉于山石後竊聽一鶴高飛梧

桐月

山館幽深感寂寥聯吟二美咏秋宵月華清蔭桐陰

冷露氣寒侵鶴影遙權翠疎鐘聲斷續梨香短笛韵

飄颻夜闌猶自餘詩興檻外人來又見招

台公名福夫子之師也壬申歲於錫侯隆公處

見余所作者英詩極加歎賞乃亦因人卽事賦
者英詩數篇余讀而有感賦呈三首

大雅裁成錦繡篇。試令擲地定鏗然。無端忽覩門人
字。舊恨新愁列滿前。

西郊瘞玉十三年。惆悵尼山道未傳。逝水驚波空一
夢。徒勞皓首悼顏淵。

深愧無才過見稱。全因私淑却無憑。由來絳帳春風
薄。欲扣洪鐘許未曾。

後對菊吟

冰雪堂詩

墨

我與黃花尙有緣。回天有力罷遊仙。由來謫墮紅塵
重。惆悵秋風又一年。

去年抱病菊初華。會對寒芳寄歎嗟。誰起膏肓無恙
在。依然三徑又黃花。

素態霜姿妙入神。難從筆墨寫天真。玉京何事無歸
去。留與黃花作主人。

正是飛霜落葉時。滿庭秋色壯幽姿。從今好作花知
已。贏得年年一首詩。

秋日同冷齋夫人潞河泛舟

蓮葉舟輕漾碧流。西風影裏去悠悠。雲開遠岫天無際。蘆葦蕭蕭一片秋。

賦得雨絲風片烟波畫船用。溪西雞齊啼韻。

甫潤青山花暎溪。絲絲弱柳石橋西。風簾自隔簷前燕。片夢時驚午後雞。煙鎖桃枝紅影亂。波搖蘋葉綠痕齊。畫橈蕩漾中流去。船繫垂楊聽鳥啼。

暮春有感

鴻爪空餘雪後泥。人生寄跡等醜雞。閒穿曲徑看花落。靜倚斜陽聽鳥啼。世態無情憑跌宕。詩書有味好提携。南華讀罷啞莊叟。何必多言論物齊。

冰雪堂詩

四六

謝惠印章

秋水精神錦繡心。鐫來佳妙過南金。烏絲生潤真何幸。愧少雲龍海鶴吟。

和靜怡主人憶故園景

爲憶頤園景。同君賞素秋。亭高瞻月印。亭名軒傲仰雲留。軒名留人影波光蘸。松陰晚照浮。至今空想像。還似昔年不。

代靜怡主人祝肅親王壽

碧殿和薰拂。丹霄瑞靄呈。中天開壽域。南極燦長庚。
綺席浮三雅。賓筵列五更。好賢還設醴。愛士豈希名。
慶衍螽斯盛。祥臻瓜瓞榮。辭華真跌宕。德業自崢嶸。
恭謹酬人事。忠勤荅聖明。稔知爲善樂。不愧漢東平。

有感

離騷讀罷動離憂。欲弔靈均轉自愁。埋首硯田人似蠹。寄身逆旅客如囚。機鋒險處惟痴應。慧業微時藉德修。我有感時千點淚。倩風吹與海同流。

冰雪堂詩

又

鬢點新霜總爲憂。不知何計避窮愁。鞿羈未肯疎湯網。束縛真堪類楚囚。意外詩名原有愧。人間順境我無修。天弢一解渾閒事。雲自飄飄水自流。

秋夜

孤館秋深夜。二更熒熒獨對一燈明。寒牕落葉蕭蕭響。疑是風聲是雨聲。

曉起

疎星幾點尙橫陳。花影濛濛半不真。最是一庭難畫

處曉風殘月未亡人

賦得蝸始鳴

得鳴字

花事凋零萬綠成，新蟬羽化乍飛聲。悠揚小院槐陰暗，斷續斜陽柳影清。與物無爭惟露飲，怡人有韻藉風鳴。秋來賴爾添愁思，莫向千鈞論重輕。

題畫

漁艇橫秋水，幽人眺遠山。茅簷塵世外，心與白雲閒。
有憶口號

屈指遲君十六春，一身孤立飽酸辛。黃泉碧落如相
冰雪堂詩

哭

召免作人間抱恨人

傳聞鬼境總疑空，底事曾無一信通。魂若有知如憶我，亦應腸斷九泉中。

咄咄吟

苦節由來其道窮，何須咄咄更書空。蒼天困我真如此，白髮緣愁却未公。幻海無涯何日渡，夜臺有路幾時通。牛車多力能相載，應禮空王浩劫中。

愁到農時未易量，求生無路死難亡。一身已似籠中鳥，兩鬢頻添鏡裏霜。疑決不須尋太卜，招魂何處覓

巫陽詩成遠寄三湘水。屈子如知亦斷腸。

莫憑湘水弔三閭。憔悴真同楚大夫。銀燭燒殘心似鹿。麗譙數盡眼如魚。是非莫定觀齊物。抑鬱難舒讀卜居。贏得憂懷千萬種。漫呼日月賦居諸。

秋社纔過燕燕稀。浮生逆旅幾時歸。禿鷺自共侏儒飽。野鶴應如曼倩饑。不寐最憂深夜雨。多愁難措禦寒衣。西風落葉添蕭瑟。惆悵孤鴻下夕暉。

敢向浮生歎不辰。庸愚合是引繩人。天心眇渺高難問。世路崎嶇險莫論。雪膽冰肝存夙志。佛光慧影悟

水雪堂詩

晃

前因

余夢于月下朗吟一絕云佛光慧影兩無差醒而忘之此其首句也

冥中歸去無

他乞免入塵寰寄此身。

風雲月露景全拋。三徑慵芟任草茅。肯向世情啜俗態。惟從易理究羲爻。清憐竹節爲虛友。冷愛梅花結淡交。剩有吟懷消未得。詩成隨意不須敲。

憶咏羅浮

洞天無分訪龍華。松逕神遊望裏賒。採藥客來歸白鶴。燒丹人去入青霞。葛衣化處晴飛蝶。趙夢醒時月暎花。最羨青羊石上卧。稚川祠畔野人家。

二分先向
柳梢含
含饒

新月

蛾眉新影月初三。素魄生明印蔚藍。一線纔從雲際吐。二分先向柳梢含。霓裳掩恨應難舞。桂樹埋香未許探。寄語蛟龍須避釣。玉鈞斜挂在西南。

清明

令節清明近。驅車出廣寧。可憐芳草色。仍傍墓門青。悲風何處起。盡在白楊裏。消魂復斷腸。何用歌蒿里。咫尺原非遠。如何異死生。孤魂如有在。應悉此時情。一往成千古。平生恨未休。君如知此意。泉下亦深愁。

冰雪堂詩

辛

月照村墟遠。天臨大野寬。君同小兒女。深夜不勝寒。何日酬知己。重泉話苦辛。餘生良不易。忍棄未亡人。

題畫蘭

蘭爲王者香。寧比枝頭錦。謾云當道生。自是君子品。

題壁

舉眼無親。孤身獨立。砥柱中流。波濤怒駛。一棒當頭。灑然而止。天道寧論。歸真而已。非必憎爾生。惟欲速爾死。

咏五色蝴蝶

青蝶

碧紗牕外認依稀。斜逐春風掩暎飛。芳草樓時惟辨影。花枝曬處始分衣。飄來楊柳腰同瘦。遁入芭蕉扇益肥。雨霽園林香夢醒。蘧蘧一點綠雲歸。

黃蝶

暎水穿花正色稀。金錢脫網任紛飛。來經漢殿辭秦粉。舞向羅浮化葛衣。鶯不見。指因色誤。蜂難作伴。怯容肥。憐伊點綴山家景。菜圃風輕好自歸。

赤蝶

冰雪堂詩

三

誰剪晴霞照影稀。春風吹作蝶紛飛。一庭香霧飄紅雨。滿徑清陰舞茜衣。時入桃源爭艷冶。閒從杏苑鬪輕肥。探花染得鴟啼血。誤認珠光火齊歸。

白蝶

抱潔尋芳似爾稀。翩翩休認紙灰飛。梅魂幻出羅浮影。月魄分來太素衣。困逐梨雲香夢穩。戲粘柳絮玉容肥。花枝日午春如許。曬粉渾疑片雪歸。

黑蝶

太極初分瘦影稀。硯池新蘸墨花飛。衝開坎水湔烏

翅打破元關露皂衣。游女拈羞眉黛淺。佳人簪喜鬢
雲肥。若非莊叟形神化。定是張顛草聖歸。

花蝶

玳瑁斑紋畫翼稀。春風輕颺彩雲飛。眠香似展天孫
錦。舞砌疑分菟子衣。戲入梨花憐粉淡。偶經桃萼笑
紅肥。漫將五色矜文采。栩栩還從夢裏歸。

和送春原韵

九十韶光大半休。留春無計懶登樓。新詩咏罷題何
處。綠展芭蕉葉已抽。

冰雪堂詩

五

柳陰無復聽流鶯。詩句難書眷戀情。花落絮飛春去
也。一簾竹影午風清。

雨雨風風送盡春。閉門慵掃落花塵。錦囊漫有生花
筆。欲和烏絲墨未勻。

幾日春光感逝波。坐看庭樹影婆娑。一年花事空辜
負。應使文通飲恨多。

過寶藏寺口號

已覺紅塵遠。方知寶藏深。不聞人語響。惟聽鳥啼音。
靜坐參禪地。眞生出世心。開牕聊注目。城闕隔烟林。

夏日卽事

長晝悠悠午夢賒。雨餘雲霽夕陽斜。一庭紅艷胭脂草。滿徑清陰淑氣花。竹榻閒憑開北牖。湘簾不捲讀南華。靜中况味應嘗徧。須信吾生自有涯。

輓靜怡主人

憶昔逢君甲子春。依依握手卽相親。何期倏爾滄桑變。深悔當年識此人。月夕花晨共咏懷。分題限韻羨清才。門前剝啄從今絕。無復新詩寄我來。

冰雪堂詩

五

物類攸關眼獨青。斯人云歿淚雙零。壺儀若也書綱目。定許行藏合考亭。

素志無酬畢此生。薊門煙樹近佳城。何時夢醒還相訪。共坐松陰話月明。

病中卽事

斂盡餘霞鳥宿枝。書軒枯坐意如痴。那堪似暗猶明處。正是牽愁引恨時。病裏情形今始覺。貧中况味早曾知。傷心人事何須論。有淚惟教對月垂。

和人寫懷十首

正言原不合人心。自古猶然豈獨今。上智無多下愚廣。靈均何必淚霑襟。

巧言令色順人情。君子由來自不行。設使宣尼如復起。也應難得聖人名。

不近中庸好異端。人情危險總心寒。君如堯舜師如孔。惡俗于今化也難。

膏肓豈是藥能攻。絳帳休論善誘功。學射學文均有罪。緣何竭力教逢蒙。

萍踪此梗嘆吾身。倚倚何辭仰睫頻。樽沓背憎兼反。冰雪堂詩

五

癖好皆歸已。怨歸人。痴心宜減不宜添。世味深嘗口盡針。畢竟不知羣小意。才人須妒正人嫌。

福。因才折本無才疑。是天公誤折來。天道茫茫難論命。落茵何喜廁何哀。

百煉剛為繞指柔。屈心抑志幾時休。問余積恨知多少。秦嶽峰高海水流。

傀儡場中敢惡憎。心於人事已如冰。一身孤立愁無那。不飲狂泉恐未能。

莫向人間歎道窮。英雄多困古今同。蒼天厚我須知感。譜入羣賢踏蹬中。

憶靜怡主人

閨閣論知已。如君只一人。始終無間語。生死忽離塵。忍見梁間月。仍存夢裏身。傷心從此日。不歷北城闌。

和淇園主人過舍賞菊四首

幾叢幽菊綻寒英。眼界詩懷倍覺清。只恐雪霜凌瘦幹。藏秋小室已營成。貯菊之室匾曰藏秋

時屆重陽九月天。金英玉蕊各呈鮮。秋風老圃知多

冰雪堂詩

少莫共春芳論後先

蕭然三徑散幽香。寥落疎籬只自芳。習染會親陶靖節。憐渠氣概也昂藏。

霞影晴分幾縷紅。移將繩榻倚簾櫳。與君吟賞遲歸去。最愛花光晚照中。

題歸安吳靜君畫竹

瀟湘一幅寫臺端。想見佳人翠袖寒。卿在江南余冀北。總教有夢到應難。

上元夜侍太夫人病

愁懷欲寫硯池水。默坐渾如面壁僧。惆悵年華真逝水。人間又是上元燈。

寸草難酬罔極恩。殷勤侍藥向黃昏。傷心爲話當年事。強慰慈顏忍淚痕。

奉親寢後轉無聊。一點寒燈影自搖。想見六街車馬盛。銀花火樹照通宵。

咏菊三十首

一東

幽芳只合在籬東。品格居然隱士同。冷艷固應依冷月。金英原是傲金風。自矜晚節香三徑。獨領深秋瘦

葉

一叢花裏論交梅。可友春華誰耐雪霜中。

二冬

清標盛處入初冬。萬木凋殘獨爾穠。雅淡自宜君子竹。孤高寧讓大夫松。微風遠送幽香冷。素月輕描瘦影重。莫道甘心居晚節。恐防傲骨有誰容。

三江

幾枝瘦影逗銀缸。點綴深秋豈有雙。自愛幽姿留夜賞。非關傲骨怕霜降。曾依元亮松三徑。又伴歸真月

一牕試問羣芳今在否。丹楓恐亦冷吳江。

四支

冷艷凌霜獨擅奇。芳姿統領暮秋時。如金解語黃金蕊。
比玉生香白玉枝。三徑正宜彭澤酒。孤舟偏感杜陵
詩。最憐入夜橫斜影。臥後殘燈未忍吹。

五微

自將傲骨敵霜威。未許庸人論是非。粉白愧疑西子
面。蒼黃深愛老僧衣。凋零正歎千林瘦。冷落應憐百
卉腓。靜對寒芳香滿徑。夕陽影裏掩柴扉。

水雪堂詩

五

六魚

丰標瀟灑更誰如。占盡秋光九月初。對酒滄閒思五
柳。餐英憔悴感三閭。幽牕淡月常留照。小室微塵自
掃除。不忤不求真隱逸。任他人笑世情疎。

七虞

蕭瑟西風雁影孤。東籬采采菊花鋪。雨餘秋色還濃
淡。冷極寒香乍有無。飲興正宜人送酒。詩情豈礙吏
催租。憑誰寄謝丹青手。月蔭燈涵總畫圖。

八齊

只有寒梅許與齊。衆芳何用論高低。凌霜氣度秋三徑。傲雪精神月一溪。聊共淵明聯作友。莫教和靖冒爲妻。菊花歸去梅花發。作殿居魁一樣題。

九佳

冰雪堂中景頓佳。深黃淡白繞階排。同岑臭味幽人伴。異俗心情隱士懷。傲骨不勞金作屋。芳名合倩玉爲牌。義熙而後誰知已。豈料惟予與汝偕。

十灰

一年辛苦到秋來。珍重名花遶砌栽。月下忍寒因爾立。霜前冒雨爲誰開。捲簾黃葉紛紛落。回首春芳各

冰雪堂詩

葉

各摧耐。冷心情誰得似。素娥青女共徘徊。

十一真

獨挺芳姿冷落辰。拈毫對爾細評論。蓮雖清潔寧辭熱。梅總孤高尙屬春。一體歲寒松是侶。平分秋色月爲隣。含香自秉堅貞節。不逐凡英墜廁茵。

十二支

雁叫遙天度碧雲。西風落葉正紛紛。花光冷綻霜三徑。素影秋橫月二分。雨暗幽牕留燭照。香沉寶鼎避

煙熏幾番回首嗟誰在。莫怪孤標自不羣。

十三元

一春斟酌護靈根。待得時來便返魂。滿徑香飛白
晝幾枝瘦影拂黃昏。雖緣冒雨重陽近。自是凌霜氣
概存。晚節相逢惟一笑。故人同與話寒溫。

十四寒

性自延齡質耐寒。花中正色品尤端。金英灼灼風初
緊。玉蕊瑩瑩露正溥。處順固宜居歲晚。安時何用問
秋殘。吳江楓葉憐岑寂。粧點霜林一片丹。

冰雪堂詩

堯

十五刪

簞瓢陋巷屋三間。盡日無人靜掩關。數種幽芳依北
牖。一襟真意對南山。心涵太古如卿淡。香吐清秋伴
我閒。多少愁懷無適處。年年到此暫開顏。

一先

肯將傲骨受人憐。搖落方知爾獨妍。冷露寒蟲衰草
地。丹楓黃葉碧雲天。芳姿黯澹橫秋色。瘦幹蕭疎染
暮煙。春茂秋榮皆任運。何爭遲速且隨緣。

二蕭

金風玉露壯靈苗。爲點秋光破寂寥。滿徑幽香煙漠漠。一簾寒氣雨瀟瀟。月明短砌蛩聲冷。日暮長空雁影遙。不有孤標橫老氣。園林到處益蕭條。

三肴

幽棲鎮日鎖蓬茅。盼到秋深菊吐苞。歛氣一年離故友。返菟三徑見知交。品因類聚同卿潔。性不時宜任世嘲。頓覺書牕增雅致。新詩端的爲伊敲。

四豪

重陽佳節賞孤高。詩興因君特地豪。落日疎籬人醉。水雪堂詩。

酒秋風飈館客題糕。名緣彭澤千秋重。品爲濂溪兩字褒。獨有餐英憐屈子。滿懷幽怨感離騷。

五歌

南山詩意有誰歌。遠屋盈階未厭多。西陸尙邀寒日照。東籬曾許白衣過。香真冷淡花真瘦。質自蕭疎氣自和。靜玩幽芳清韵足。石崖異種又如何。

六麻

清幽丰韵過梅花。翠葉疎枝瘦影斜。非爾不霑春雨露。是卿方受冷生涯。硃砂蓋雪迎朝旭。紫艷飛霜闔

晚霞蟲臂鼠肝天付與。耐寒氣度敢矜誇。

七陽

閒雅清高號冷香。莊園位置豈尋常。寒承曉露珠同採。瘦立西風玉可方。不獨愛花還愛影。誰能經雨又經霜。名分百種原非一。正色應知總在黃。

八庚

五美人傳有定評。更兼傲骨自錚錚。消除炎熱方知淡。歷盡風霜始著名。秋色已教分月姊。春魁端合讓梅兄。花中比德如君子。大器由來是晚成。

冰雪堂詩

空

九青

澹月疎星露一庭。近隣花瘦遠聞馨。及時灌溉滋元氣。應候栽培養性靈。對酒自同陶令醉。餐英曾伴屈原醒。丰神瀟洒真高士。阮籍看來眼亦青。

十蒸

一任風霜日見凌。難欺傲骨瘦峻憎。憐香預設藏秋室。愛影頻移入夜燈。不近繁華真味道。自甘岑寂只如僧。孤高莫謂無同調。松竹梅花耐久朋。

十一尤

靜對孤芳越自幽。金英翠葉少同儔。疎籬伴月三更冷。小室留香一片秋。花譜誰修能益壽。離騷欲讀恐生愁。登高好醉重陽酒。贏得樊川插滿頭。

十二侵

蕭蕭落葉冷疎林。幸有寒香伴苦吟。楓向江頭標赤錦。爾從籬畔綻黃金。風霽月瞻高格。流水行雲見素心。千古傳名同隱逸。固應陶令是知音。

十三覃

品如彭澤汝無慙。栗里風光已自諳。三徑英華霜始降。一江秋影雁初涵。獨持勁節悲孤立。飽歷嚴寒分

冰雪堂詩

空

亦甘物類攸關深。護惜幽香滿宅勝羅含。

十四鹽

女儿香清酈水甜。芳名欲記自題籤。南山真意峰千朶。北牖虛懷月一簾。冷艷滿頭思杜牧。寒香盈把憶陶潛。行藏深恐春華妒。獨殿秋風爲避嫌。

十五咸

寒深病葉手頻芟。總至開殘亦不凡。靈蕙崇蘭原伍草。高人志士只棲巖。愁多賴有孤芳解。愛極渾無衆

口讒千古到今論。菊癖應須讓我署頭銜。

和白燕韻

珊珊素影世應稀。黑白無容混是非。玉剪裁雲穿碧落。雪衣掠水舞斜暉。珠涵皓月三分燦。星殞瑤光一點飛。烏巷紅襟羞共伍。瀛洲瓊島自宜歸。

有感

欲濟沅湘道路賒。陳辭何處訪重華。贅肌幸免生前累。泰厲寧懷死後嗟。冠佩陸離高莫及。菘蕹盈室渺無涯。可憐一掬靈均淚。應續離騷第二家。

冰雪堂詩

奎

題鐵儂先生桃浪乘槎小照

靈槎影過萬重山。博望新從天上還。不用支機爲贖物。載將織女到人間。科頭端坐意徜徉。兩岸桃花水一方。恰似陶朱歸隱處。五湖風月載夷光。破浪乘風莫問津。仙槎滿載武陵春。桃花人面渾無著。天女維摩示淨因。瀟灑襟懷氣概殊。人如秋水暎水壺。春風一擢桃花浪。雲樹煙嵐入畫圖。

到得陶然興不孤。一天烟雨濕菰蒲。觀詩滿壁金塵
擲。玩景盈眸翠欲扶。雲掩西山嵐影淡。風吹北牖日
光無。來游好待重陽候。蘆葦蕭蕭點畫圖。

輓冷齋夫人

二十年前君輓我。冷齋曾有
生輓余詩今朝我又輓君時。碎琴
空切知音感。撤瑟徒增友誼悲。幽賞罷題寒舍菊。傷
心怕讀冷齋詩。輜車一出都城去。永別人間無見期。

秋晴

雨霽金風爽。秋光又可憐。蟲鳴深夜月。蟬響夕陽天。

冰雪堂詩

夢冷雙紋篔簹詩成百韻箋。晚來霞散綺紅到小牕前。

再遊寶藏寺

重來寶藏寺。風景故依然。水色平湖近。山光翠黛偏。
落霞明夕照。歸鳥入遙天。獨坐清涼下。蒼茫起暮煙。

寺中遇魏玉樹先生書贈

不知賢在野。披閱駭人深。刻玉雕冰句。高山流水音。
定應廊廟器。豈是等閒心。何幸親風雅。相逢開士林。

咏土山

庭前忽訝玉峯頭。一篲工夫手自修。招隱難教高士

卧探奇欲向此中遊。曉烟籠處疑雲起。夜露垂時似
水流。正是會心非在遠。何須海外覓丹邱。

夏日晚晴

痴雲捲盡雨初收。洗却纖塵草木幽。小院風清飛燕
子。夕陽斜掛柳梢頭。

聞片雲女史隨任永平詩以寄之

微辭寫向薛濤箋。寄與蓬萊島上仙。一自神交經數
載。今聞遠別意凄然。畫圖誰識春風面。詩句猶存錦
繡篇。此去永平資治化。頌聲應聽路人傳。

水雪堂詩

三

贈憶勒

芟盡塵緣萬慮空。皈依清淨梵王宮。誦殘般若三更
月。坐破蒲團午夜風。黛色消除明鏡裏。鐘聲敲徹暮
烟中。靈根早悟非旛旨。豈必牛車有路通。

和夔圃對雪有感原韵

入望茫茫一色新。平鋪道路玉爲塵。散花此際來天
女。兆瑞明年慶孺民。但使貧區人盡富。何妨陋巷我
全貧。小軒亦自多佳趣。梅菊爭芳未有倫。

顧晴嵐同人晏賞寺中海棠命余賦詩以紀之

悟得神仙妙諦通。棲遲合在楚王宮。根芽早結菩提界。色相全皈浩劫中。但把清歌消晝永。不須高燭照花紅。兜羅綿手拈將去。正是人天萬象空。

和人對酒感懷原韵

丈夫生斯世。如海多波瀾。崢嶸肯雌伏。氣象何曾干。浩歌敲唾壺。感激摧肺肝。借酒澆塊磊。長江恐吸乾。緬維古哲士。處困寧眉攢。伊我更何人。敢不隨遇安。賢達貴知命。何用憂萬端。甕裏有醯雞。焉知天地寬。

秋晚

冰雪堂詩

瘦菊香三徑。疎篁綠幾竿。滿簾秋色冷。半榻晚風寒。遠寺鐘初動。幽林鳥欲安。月華燈影裏。清興未曾闌。

荅鐵農先生

千里書來爲索詩。睽違已是廿年期。尙能雅興縈懷抱。未必新霜點鬢絲。月滿梁園應有賦。春深淇水豈無辭。汴京舊跡堪題咏。况是幽人作客時。

同人和階六先生原韵卽贈

人境兩相宜。娛情筆一枝。壯懷朝引劍。雅興夜彈碁。種竹臨方沼。栽花護短籬。二三知己至。把酒共題詩。

題晴溪聽秋亭

聽秋亭上坐何處聽秋聲入耳寒蟬咽驚心斷鴈鳴
芭蕉深夜雨砧杵夕陽晴唧唧蟲吟切歐陽作賦情

水雪堂詩

李

芭蕉深夜雨唧唧蟲吟切歐陽作賦情
聽秋亭上坐何處聽秋聲入耳寒蟬咽驚心斷鴈鳴

跋歸真道人詩

克勤郡王承碩

歸真道人素有文名。余耳之久矣。適於舅氏哈湛園公家。余因得獲見焉。道人性恬淡。尤工筆墨。凡所著作。靡不稱善。余敬事之。偶舅氏携道人詩稿一卷示余。受而讀之。覺樹義之精。黠染之雅。變換之妙。寄託之深。豈獨學力深醇。抑且天資超邁。雖然。詩乃道人緒餘耳。道人詎僅以詩著耶。姑以詩論。詩所以道性情。溫柔敦厚之旨。悉本性真所流露。道人不事雕琢。而昭合自然。卽隨所感觸。皆理趣悠長。意味淵永。精神自不可磨滅。然則。道人之詩見。道人之學見。卽道人之立品爲人。亦無不共見也。今道人老矣。筆墨遣懷。猶孳孳不倦。余固不知詩。聊以管見窺厥萬一。俾後來讀道人詩者。知道人之詩。並知道人之所以爲詩焉矣。時在甲午。克勤郡王承碩敬跋。

水雲堂詩

二十九

1000

